

# Das „Oh - Toni“ Lied zum 50. Geburtstag

Begleitung mit drei Ukulelen und Gesang

Sopran: Marlis

Tenor: Ernst

Hochtenor: Hansueli



## Refrain

Oh Toni, oh To-ô-ni, es chunt scho alles guet

Du häsch zum Troscht ja Rübensaft – de macht zusätzlich Mut

## Strophen

1. Wo dä Toni isch gebore worde  
Da het er furchtbar gschreit  
Ohni sin Lärm da het mer nämlich  
Plazenta i d'Windle gleit
2. Dänn isch die unbekannti Phase cho  
Die isch ganz still verbii  
Erscht später hätt mer dänn feststellt  
Er hätt ä Arbeits-Phobi
3. Die Angst vor em Schaffe hät sich gleit  
Und damit au die vor Fraue  
So hätt er sich tüchtig dri-ine gstürzt  
Er isch halt doch en Schlaue
4. Glii druf da isch er Vater worde  
Das hätt au s'Ursi gmerkt  
Und d'Recherche händ ergeh  
Er hät ganz sauber gwerkt
5. Dana da hät er wiiter gschaffet  
Und zwar mit em grosse Chöpfli  
Und so Direktor Mit-Glied worde  
Und schefflet jetzt Geld is Töpfli
6. Au susch no isch er engagiert  
I dä Fürwehr hätt er glöscht  
Zum Glück tuets nur im Frohsinn brenne  
Denn deht hätts die gröschte Möscht
7. De Toni kennt au alli Gsetz  
Und weis au wie's umgah  
Vom Elektrisch aber weiss er nüüt  
Drum söller das la lah
8. Au hätt er glernt dä Hammer schwinge  
Und haue uf dä Putz  
Das macht er aber nur ganz kurz  
Dä zwüschet gitts Kaffi-Lutz

9. Dä Hammer dä sich hütt verdrängt  
Er tuet jetzt Golf-Clubs schwinge  
Bim golfe tuet er Wasser trinke  
Und au scho Liedli singe
  
10. Bim Toni weiss mer ganz genau  
Wie d'Evolution tuet schaffe  
Er hätt nämlich chöne übererette  
Dä Imponierlauf vo dä Affe
  
11. Er isch Meister im Überraschige mache  
Da isch er nööd zum zahle  
Und würd er am Ursi äs Tandem schenke  
Het sicher nur sie Pedale
  
12. Jetzt wüsstet mir doch ziemlich g'nau  
Dä Toni dä chan viel  
Uns wünschet ihm no ä schöni Zyt  
Bis langsam dänn alles wird still

Du häsch zum Glück ja s'Ursi no – sie lueget dir schliesslich guet.